

LIGJ
Nr.7668, datë 2.2.1993

PËR PAGAT E GJYQTARËVE, TË PROKURORËVE DHE HETUESVE

Në mbështetje të nenit 16 të ligjit nr.7491, datë 29.4.1991 "Për dispozitat kryesore kushtetuese" dhe të nenit 30 të ligjit nr. 7561, datë 29.4.1992 "Për disa ndryshime e plotësime në ligjin "Për dispozitat kryesore kushtetuese", me propozimin e Këshillit të Ministrave,

KUVENDI POPULLOR
I REPUBLIKËS SË SHQIPËRISË

V E N D O S I:

Neni 1

Pagat e gjyqtarëve, të prokurorëve dhe të hetuesve janë sipas pasqyrës që i bashkëngjitet këtij ligji.

Neni 2

Kryetarët, zëvendëskryetarët, gjyqtarët, prokurorët, zëvendësprokurorët, përkatësisht të gjykatave të apelit dhe atyre ushtarake, të gjykatave dhe të prokurorive të rretheve, si dhe hetuesit, për çdo vit pune marrin një shtesë prej 1 për qind mbi pagën bazë deri në 25 për qind.

Neni 3

Gjyqtarët, prokurorët dhe hetuesit ushtarakë përfitojnë vetëm shtesën për gradat ushtarake.

Neni 4

Gjyqtarët e prokurorët e apelit e të rretheve si dhe hetuesit veç pagës së caktuar marrin edhe një shtesë mbi pagën bazë prej 10 për qind.

Kategoritë e personave të përmendur në këtë ligj përfitojnë të drejtën e shtesës së pagës njëloj si punonjësit e tjerë të institucioneve buxhetore.

Neni 5

Ky ligj hyn në fuqi menjëherë.

Shpallur me dekretin nr.457, datë 10.2.1993 të Presendit të Republikës së Shqipërisë, Sali Berisha

PAGAT E GJYQTARËVE, TË PROKURORËVE DHE TË HETUESVE

Gjykata e Kasacionit:

- Kryetar	9370 lekë
- Zëvendëskryetarë	8500 lekë
- Anëtarë	8120 lekë

Prokuroria e Përgjithshme:

- Prokuror i Përgjithshëm	9370 lekë
- Zv.prokuror i Përgjithshëm	8500 lekë
- Prokuror (drejtor drejtorie)	7500 lekë
- Prokuror në Prokurorinë e Përgjithshme	6900 lekë

Gjykata dhe prokuroria e apelit civil dhe ushtarak e rrethit Tiranë

- Kryetar, prokuror	6000 lekë
- Zv.kryetar, zv.prokuror	5700 lekë
- Gjyqtarë, prokurorë	5300 lekë

Gjykata dhe prokuroritë e apelit dhe gjykata e prokuroria e rrethit të Tiranës

- Kryetar, prokuror	5700 lekë
- Zv.kryetar, zv.prokuror	5200 lekë
- Gjyqtarë, prokurorë	5000 lekë
- Hetues	4500 lekë

Gjykatat dhe prokuroritë e rretheve të kategorisë së I

- Kryetar, prokuror	5500 lekë
- Zv.kryetar, zv.prokuror	5000 lekë
- Gjyqtarë, prokurorë	4500 lekë
- Hetues	4000 lekë

Gjykatat dhe prokuroritë e rretheve të kategorisë II

- Kryetar, prokuror	5200 lekë
- Zv.kryetar, zv.prokuror	4800 lekë
- Gjyqtarë, prokurorë	4500 lekë
- Hetues	4000 lekë